

PODACI O PROJEKTU

Smanjenje rizika od katastrofa za održivi razvoj u Bosni i Hercegovini

Bosna i Hercegovina – februar 2022.



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini



KAKO SMANJITI RIZIKE I UBLAŽITI POSLEDICE KATASTROFA?

Smanjenje rizika i uticaja katastrofa na zemlju i njene građane jedno je od ključnih razvojnih pitanja državnih politika.

Bosna i Hercegovina spada u red zemalja koje su izložene različitim rizicima od katastrofa, a u posljednjoj deceniji svjedočimo sve češćim katastrofama izazvanim ekstremnim klimatskim i vremenskim pojavama. Katastrofalne poplave u maju 2014. godine su pogodile četvrtinu teritorija zemlje i milion ljudi, što predstavlja oko 27% njenog stanovništva. Ukupna šteta iznosila je približno 1,7 milijardi USD, dok su ekonomski gubici premašili 1,5 milijardi USD. Osim ove, značajne štete i gubici su uzrokovane i drugim katastrofama kao što su suše, šumski požari, zemljotresi i na kraju pandemija COVID 19.

Analize uticaja klimatskih promjena ukazuju da se u regionu mogu očekivati povećanje intenziteta i učestalosti vremenskih ekstrema koji mogu uzrokovati katastrofe različitog obima. Sve ovo ukazuje na važnost međusektorske saradnje, koordinacije i efikasnog upravljanja rizicima.

Smanjenje rizika i uticaja katastrofa na zemlju i njene građane jedno je od ključnih razvojnih pitanja državnih politika.

Projekat "Smanjenje rizika od katastrofa za održivi razvoj u Bosni i Hercegovini 2018-2023. godine" (DRR), koji kofinansira Vlada Švicarske zajedno sa agencijama Ujedinjenih nacija u BiH UNDP, UNICEF, FAO, UNFPA i UNESCO, podržava institucije u boljem upravljanju rizicima od katastrofa i povećanju otpornosti 10 lokalnih zajednica.

Ovaj program omogućio je uspostavu mehanizama za saradnju i koordinaciju između službi spašavanja, obrazovanja, socijalne i dječje zaštite, zdravstva i

poljoprivrede, što je ključno za postavljanje temelja za dugoročno učinkovito i razvojno usmjereno upravljanje rizicima u lokalnim zajednicama. Ovaj pristup povećava sigurnost građana i štiti materijalna i druga dobra, te podstiče saradnju s višim nivoima vlasti.

Ključni partneri u provedbi projekta Ministarstvo sigurnosti Bosne i Hercegovine kao vodeći institucionalni partner, Federalna uprava civilne zaštite, Republička uprava civilne zaštite Republike Srpske, Ministarstvo civilnih poslova Bosne i Hercegovine, Ministarstvo rada i socijalne politike Federacije Bosne i Hercegovine, Ministarstvo zdravlja i socijalne zaštite Republike Srpske, Ministarstvo obrazovanja i nauke Federacije Bosne i Hercegovine, Ministarstvo prosvjete i kulture Republike Srpske, Ministarstvo vanjske trgovine i ekonomskih odnosa Bosne i Hercegovine, Ministarstvo poljoprivrede, šumarstva i vodoprivrede Republike Srpske, Ministarstvo poljoprivrede, vodoprivrede i šumarstva Federacije Bosne i Hercegovine, 10 jedinica lokalne samouprave (Banja Luka, Bihać, Bijeljina, Gradačac, Kakanj, Kalesija, Prijedor, Sanski Most, Srebrenica i Trebinje).

ZAŠTITA STANOVNIŠTVA

Cilj projekta je da lokalne vlasti u Bosni i Hercegovini unaprijede svoje institucionalne kapacitete, okvire, javne usluge i partnerstva za smanjenje rizika od katastrofa, a stanovništvo na lokalitetima izloženim riziku da bude socijalno i ekonomski manje ranjivo na efekte katastrofa i klimatskih promjena.

Ukratko, cilj projekta je podrška smanjenju rizika od katastrofa i zaštiti stanovništva, uključujući ranjive grupe, od posljedica kriznih situacija u BiH.

Ambasada Švicarske u Bosni i Hercegovini

Zmaja od Bosne 11, Zgrada RBBH, objekt B, BiH-71000 Sarajevo

Tel. +387 33 27 58 50, +387 33 25 40 30, Fax +387 33 57 01 20

E-Mail: sarajevo@eda.admin.ch

www.eda.admin.ch/bosnia-and-herzegovina

OTPORNIJI NA KATASTROFE

Projektom se očekuje ostvarenje sljedećih rezultata:

1. Najmanje 10 JLS usvojile su strategije koje uključuju smanjenje rizika od katastrofa, uspostavile partnerstva za efikasne intervencije za smanjenje rizika i finansirale aktivnosti kojima se gradi otpornost zajednice, te su stoga bolje opremljene za prevenciju i odgovor na katastrofe.
2. Građani partnerskih lokaliteta, posebno najugroženije grupe stanovništva, postali su otporniji na katastrofe.

REALIZACIJA PROJEKTA

Realizacijom projektnih aktivnosti biće uspostavljene lokalne platforme za smanjenje rizika od katastrofa, povezivanjem sektora zaštite i spašavanja, obrazovanja, socijalne i dječje zaštite, zdravstva i poljoprivrede, u skladu sa opštinskim nalazima procjene rizika i prioriteta za smanjenje rizika od katastrofa.

Škole u lokalnim zajednicama će aktivno raditi na stvaranju sigurnog školskog okruženja s ciljem pružanja učinkovitijeg odgovora na katastrofe. Lokalne zajednice će, pojačavši ulogu centara za socijalnu zaštitu/skrb, osigurati poboljšanje zaštite najugroženijih skupina stanovništva u kriznim situacijama.

Jedan od bitnih projektnih segmenata je i institucionalizacija internetske platforme DRAS koja pruža ažurirane informacije o izloženosti poplavama, klizištima i potresima.

SAŽETAK PROJEKTA:

NAZIV:

Smanjenje rizika od katastrofa za održivi razvoj u Bosni i Hercegovini 2018-2023.

DOMENA:

Lokalna uprava i opštinske usluge

ZEMLJA / REGIJA:

Bosna i Hercegovina

PARTNERI:

UNDP BiH, UNICEF, FAO, UNFPA i UNESCO, Ministarstvo sigurnosti Bosne i Hercegovine, resorna ministarstva i institucije na državnom i entitetskom nivou, 10 jedinica lokalne samouprave.

POLAZNA TAČKA / POZADINA:

Izvještaj o svjetskim rizicima za 2017. godinu rangira Bosnu i Hercegovinu kao zemlju visoke izloženosti prirodnim opasnostima. Prema Globalnom fondu Svjetske banke za smanjenje i oporavak od katastrofa, više od 20% teritorije Bosne i Hercegovine je podložno poplavama, koje u prosjeku godišnje pogađaju oko 100.000 ljudi imaju negativan uticaj na oko 600 miliona dolara bruto domaćeg proizvoda.

CILJ PROJEKTA:

Cilj projekta je da lokalne vlasti u Bosni i Hercegovini unaprijede svoje institucionalne kapacitete, okvire, javne usluge i partnerstva za smanjenje rizika od katastrofa, a stanovništvo na lokalitetima izloženim riziku da bude socijalno i ekonomski manje ranjivo na efekte katastrofa i klimatskih promjena.

CILJNA GRUPA:

10 jedinica lokalne samouprave, najmanje 100 institucionalnih i nevladinih članova DRR platformi, najmanje 600.000 građana/ki, 50.000 građana iz ranjivih grupa (od čega 50% žena), 3.000 djece, 3.000 ranjivih građana/ki koji imaju pristup zdravstvenim i socijalnim službama, 60 poljoprivrednika

BUDŽET:

USD 4.321.948

(od čega je švicarsko učešće 2,4 miliona USD)

TRAJANJE:

1. januar 2019 – 30. juni 2023. godine

Zajedno ubrzavamo napredak



eda.admin.ch/sarajevo



[SwissEmbassySarajevo](https://www.facebook.com/SwissEmbassySarajevo)



[SwissEmbassySarajevo](https://www.instagram.com/SwissEmbassySarajevo)



[SwissEmbassySarajevo](https://www.youtube.com/SwissEmbassySarajevo)



[SvicarskauBiH.ba](https://www.svicarskauBiH.ba)